

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
Ministarstvo privrede



БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ТУЗЛАНСКИ КАНТОН  
Министарство привреде

BOSNIA AND HERZEGOVINA  
FEDERATION OF BOSNIA AND HERZEGOVINA  
TUZLA CANTON  
Ministry of Economy

Tuzla, Rudarska br 57. tel: +387 35 369-327, fax: +387 369-332, e-mail: mp@tk.kim.ba, web: mrp.tk.gov.ba, www.vladatk.gov.ba

Broj:03/1-02-5061/20  
Tuzla, 18.05.2020. godine

**MINISTARSTVIMA TUZLANSKOG KANTONA – SVIMA  
OPĆINE I GRADOVI NA PODRUČJU TUZLANSKOG KANTONA  
SAVEZ OPĆINA I GRADOVA FEDERACIJE BOSNE I HERCEGOVINE**

PREDME: Obavještenje o provođenju javne rasprave, dostavlja se

Skupština Tuzlanskog kantona je na sjednici održanoj dana 14.05.2020. godine, Zaključkom broj: 01-02-183-4/20 od 14.05.2020 godine, prihvatila nacrt Zakona o podršci nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu, te isti stavila na javnu raspravu u trajanju od 60 dana.

Obzirom da je Programom javne rasprave koji je prihvaćen uz nacrt pomenutog zakona, predviđeno da su učesnici javne rasprave sva ministarstva Tuzlanskog kantona, općine i gradovi na području Tuzlanskog kantona i Savez općina i gradova Federacije BiH, to vas ovim putem obavještavamo da tekst nacrta Zakona o podršci nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu možete preuzetu na web stranici Vlade Tuzlanskog kantona: [www.vladatk.kim.ba](http://www.vladatk.kim.ba).

Svoje eventualne primjedbe i prijedloge možete dostaviti na adresu Ministarstva privrede Tuzlanskog kantona, Rudarska broj 57. Tuzla, najkasnije do **14.07.2020** godine.

S poštovanjem,

Prilog: Program javne rasprave

*Obradila: Bajramović / P. H. / a*

**DOSTAVITI:**

**1x Ministarstva TK**

**1x Općine i gradovi na području TK**

**1x Savez općina i gradova F BiH**

**1x Evidencija**

**1x a/a**



**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**V L A D A**

**Broj: 02/1-02-5061/20**  
**Tuzla, 09.03.2020. godine**

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", broj: 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 09.03.2020. godine, d o n o s i

**O D L U K U**  
**o utvrđivanju nacрта Zakona**

**I**

Utvrđuje se nacrt Zakona o podršci nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu.

**II**

Nacrt Zakona iz tačke I ove Odluke uputit će se Skupštini Tuzlanskog kantona na razmatranje.

**III**

Odluka stupa na snagu danom donošenja.

**DOSTAVITI:**

- 1 x** Skupštini Tuzlanskog kantona
- 1 x** Ministarstvu privrede
- 1 x** Evidenciji
- 1 x** a/a



**PREMIJER KANTONA**

**Prof. dr. Denijal Tulumović**

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**V L A D A**

**N A C R T**

**Z A K O N**  
**o podršci nedovoljno razvijenim, nerazvijenim i izrazito nerazvijenim**  
**jedinicama lokalne samouprave u Tuzlanskom kantonu**

**Tuzla, mart 2020. godine**

Na osnovu člana 24. stav 1. tačka c. Ustava Tuzlanskog kantona („Službene novine Tuzlansko-podrinjskog kantona“, broj: 7/97 i 3/99 i „Službene novine Tuzlanskog kantona“, broj: 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj dana \_\_\_\_\_ d o n o s i

## **Z A K O N**

### **o podršci nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu**

#### **I OPĆE ODREDBE**

##### **Član 1.** **(Predmet zakona)**

Ovim Zakonom utvrđuju se uslovi koje jedinice lokalne samouprave moraju ispunjavati da bi ostvarile podršku iz budžeta Tuzlanskog kantona, definišu se pokazatelji za mjerenje stepena njihove razvijenosti, te način ostvarivanja podrške i drugih podsticajnih mjera koje će pridonijeti njihovom privrednom i općem razvoju, u skladu s njihovim posebnostima i načelu ravnomjernog razvoja Tuzlanskog kantona.

##### **Član 2.** **(Opći uslovi za ostvarivanje podrške)**

Opći uslovi koje jedinice lokalne samouprave u Tuzlanskom kantonu moraju ispunjavati, da bi ostvarile podršku u skladu sa ovim Zakonom, su:

- a) broj stanovnika: do 12.500,
- b) površina: do 350 km<sup>2</sup>,
- c) broj naseljenih mjesta: do 50.

##### **Član 3.** **(Posebni uslovi prema kategorizaciji i indeksu razvijenosti)**

(1) Nedovoljno razvijene jedinice lokalne samouprave u Tuzlanskom kantonu su jedinice lokalne samouprave koje, osim općih uslova iz člana 2. ovog Zakona, prema kategorizaciji jedinica lokalne samouprave, utvrđenoj od strane Federalnog zavoda za programiranje razvoja, imaju vrijednost indeksa razvijenosti u rasponu od 0,75 do 1,00.

(2) Nerazvijene jedinice lokalne samouprave u Tuzlanskom kantonu su jedinice lokalne samouprave koje, osim općih uslova iz člana 2. ovog Zakona, prema kategorizaciji jedinica lokalne samouprave, utvrđenoj od strane Federalnog zavoda za programiranje razvoja, imaju vrijednost indeksa razvijenosti u rasponu od 0,60 do 0,75.

(3) Izrazito nerazvijene jedinice lokalne samouprave u Tuzlanskom kantonu su jedinice lokalne samouprave koje, osim općih uslova iz člana 2. ovog Zakona, prema kategorizaciji jedinica lokalne samouprave, utvrđenoj od strane Federalnog zavoda za programiranje razvoja, imaju vrijednost indeksa razvijenosti manji od 0,60.

##### **Član 4.** **(Primjena socioekonomskih pokazatelja)**

Za primjenu uslova iz člana 2. i člana 3. ovog Zakona koristit će se zadnji objavljeni socioekonomski pokazatelji po općinama Federacije Bosne i Hercegovine utvrđeni od strane Federalnog zavoda za programiranje razvoja.

## **II NAČIN I SVRHA OBEZBJEĐENJA PODRŠKE**

### **Član 5. (Pristup u izradi programa)**

U programima i drugim aktima Vlade Tuzlanskog kantona, kantonalnih ministarstava i drugih institucija Tuzlanskog kantona, ovisno o prirodi mjere i raspoloživim finansijskim sredstvima, posebno će se voditi računa o učinku pojedine mjere na razvoj nedovoljno razvijenih, nerazvijenih i izrazito nerazvijenih jedinica lokalne samouprave Tuzlanskog kantona.

### **Član 6. (Oblasti podrške)**

(1) Podrška za nedovoljno razvijene, nerazvijene i izrazito nerazvijene jedinice lokalne samouprave, u smislu ovog Zakona, podrazumjeva obezbjeđenje sredstava za finansiranje razvojnih projekata jedinica lokalne samouprave iz oblasti:

- a) proizvodnje, izvoza, osnivanja i razvoja malih i srednjih preduzeća,
- b) saobraćajne infrastrukture,
- c) obrazovanja,
- d) zdravstva,
- e) sporta i kulture,
- f) poljoprivredne proizvodnje i ruralnog razvoja,
- g) izgradnje novih, rekonstrukcija i održavanje postojećih objekata komunalne infrastrukture,
- h) razvoja i izgradnje turističkih kapaciteta,
- i) za druge značajne projekte podrške lokalnom razvoju.

(2) Sredstva iz prethodnog stava ovog člana jedinice lokalne samouprave ne mogu utrošiti za isplatu plaća, naknada i dodataka na plaću zaposlenih, kao i isplatu materijalnih troškova.

### **Član 7. (Vrste podrške i izvora sredstava)**

Obezbjedenje sredstava, kao podrška za finansiranje razvojnih projekata u oblastima navedenim u članu 6. ovog Zakona, podrazumjeva:

- a) Novčana sredstva iz budžeta Tuzlanskog kantona kao tekući transfer nižim nivoima vlasti, sa potrošačke jedinice: „Podrška nedovoljno razvijenim, nerazvijenim i izrazito nerazvijenim općinama“, za svaku fiskalnu godinu,
- b) Novčana sredstva za kapitalne transfere u okviru programa korištenja namjenskih sredstava stavljenih na raspolaganje resornim ministarstvima, za svaku fiskalnu godinu,
- c) Novčana sredstva za razvoj pojedinog upravnog područja, odnosno područja djelatnosti iz nadležnosti pojedinih zavoda, agencija, direkcija, javnih ustanova i javnih preduzeća čiji je osnivač Tuzlanski kanton.

## **III NAČIN I KRITERIJI RASPODJELE BUDŽETSKIH SREDSTAVA**

### **Član 8. (Minimalno učešće u raspodjeli budžetskih sredstava)**

Pojedinačno učešće jedinica lokalne samouprave u raspodjeli sredstava iz člana 7. stav 1 tačka a) ovog Zakona zasniva se na sljedećim omjerima:

- a) Nedovoljno razvijenim jedinicama lokalne samouprave u pojedinačnim iznosima minimalno 5 % od iznosa utvrđenom u budžetu,
- b) Nerazvijenim jedinicama lokalne samouprave u pojedinačnim iznosima minimalno 10 % od iznosa utvrđenom u budžetu,
- c) Izrazito nerazvijenim jedinicama lokalne samouprave u pojedinačnim iznosima minimalno 15 % od iznosa utvrđenom u budžetu.

## **Član 9.**

### **(Kriteriji za uvećenje minimalniog učešća po osnovu prihoda)**

(1) Minimalni pojedinačni iznosi utvrđeni u članu 8. ovog Zakona uvećaju se po osnovu prihoda pojedinih jedinica lokalne samouprave u skladu sa sljedećim kriterijima:

- a) do 10 % za jedinice lokalne samouprave čiji operativni prihodi iznose do 2.000.000,00 KM,
- b) do 5 % za jedinice lokalne samouprave čiji operativni prihodi iznose od 2.000.000,00 KM do 3.000.000,00 KM,
- c) do 3 % za jedinice lokalne samouprave čiji operativni prihodi iznose od 3.000.000,00 KM do 4.000.000,00 KM.

(2) Operativni prihodi jedinice lokalne samouprave uključuju poreske i neporeske prihode koje je ostvarila u protekloj budžetskoj godini.

## **Član 10.**

### **(Kriteriji za uvećenje minimalniog učešća po osnovu stope nezaposlenosti)**

Minimalni pojedinačni iznosi utvrđeni u članu 8. ovog Zakona uvećaju se po osnovu stope nezaposlenosti pojedinih jedinica lokalne samouprave u skladu sa sljedećim kriterijima:

- d) do 5 % za jedinice lokalne samouprave u kojima je stopa nezaposlenosti veća od 70%,
- e) do 3 % za jedinice lokalne samouprave u kojima je stopa nezaposlenosti od 50% do 70%.

## **Član 11.**

### **(Kumulativno uvećanje učešća)**

Za jedinice lokalne samouprave koje ispunjavaju sve uslove propisane ovim Zakonom, vrši se kumulativno uvećanje pojedinačnih iznosa u raspodjeli sredstava, u skladu sa odredbama članova 8., 9. i 10. ovog Zakona.

## **IV KANDIDOVANJE PROJEKATA**

## **Član 12.**

### **(Kandidovanje projekata)**

(1) Jedinice lokalne samouprave, u visini iznosa sredstava koji pripada svakoj od nedovoljno razvijenih, nerazvijenih i izrazito nerazvijenih jedinica lokalne samouprave, utvrđenih u skladu sa kriterijima iz članova 8. do 10. ovog Zakona, mogu kandidovati projekte koji se već nalaze na listi projekata iz Programa javnih investicija Tuzlanskog kantona za godinu koja prethodi godini u kojoj se vrši raspodjela sredstava u skladu sa ovim Zakonom, a koji se nalazi u Ministarstvu privrede Tuzlanskog kantona.

(2) Jedinice lokalne samouprave svoje projekte kandiduju Ministarstvu privrede Tuzlanskog kantona, u roku od 15 dana od dana objavljivanja javnog poziva koji Ministarstvo privrede objavljuje na web stranici Vlade Tuzlanskog kantona nakon usvajanja Budžeta Tuzlanskog kantona i utvrđivanja operativnog plana Budžeta Tuzlanskog kantona u kome su predviđena sredstva za ovu namjenu.

(3) Komisija za izradu Programa javnih investicija Tuzlanskog kantona, imenovana od strane Vlade Tuzlanskog kantona, vršit će pregled i ocjenjivanje dostavljenih projekata u skladu sa uslovima i kriterijima utvrđenih ovim Zakonom, te sačiniti prijedlog Programa o finansiranju projekata u nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu, i isti putem Ministarstva privrede dostaviti Vladi Tuzlanskog kantona na razmatranje i donošenje.

(4) Administrativno-tehničku i svaku drugu pomoć uradu Komisije iz stava (3) ovog člana pružit će Ministarstvo privrede Tuzlanskog kantona.

(5) U slučaju potrebe da se procedure utvrđene ovim Zakonom detaljnije razrade odgovarajućim podzakonskim aktom, isti će na prijedlog Ministarstva privrede donijeti Vlada Tuzlanskog kantona.

### **Član 13.**

#### **(Učešće u raspodjeli namjenskih sredstava budžeta Tuzlanskog kantona i vanbudžetskih sredstava institucija Tuzlanskog kantona)**

Pojedinačno učešće nedovoljno razvijenih, nerazvijenih i izrazito nerazvijenih jedinica lokalne samouprave u raspodjeli sredstava predviđenih u članu 7. stav 1 tačke b) i c) ovog Zakona vrši se u skladu sa važećim propisima koji regulišu raspodjelu i način korištenja tih sredstava, uz obavezu nadležnih institucija da, u svojim planovima i programima raspodjele sredstava, ugrade mjere i projekte za razvoj jedinica lokalne samouprave iz člana 3. ovog Zakona, na način da osiguraju odgovarajuću zastupljenost razvojnih projekata za navedene jedinice lokalne samouprave Tuzlanskog kantona.

### **Član 14.**

#### **(Osiguranje učinkovite primjene Zakona)**

Vlada Tuzlanskog kantona će u postupku donošenja ili davanja saglasnosti na programe i planove utroška sredstava iz člana 13. ovog Zakona, tražiti od nadležnih ministarstava i drugih nadležnih kantonalnih institucija, koje su radile na izradi tih programa i planova, da posebno obrazlože uslove i način primjene odredbi članova 8. do 13. ovog Zakona u izradi i predlaganju tih programa i planova.

## **V IZVJEŠTAVANJE I PRAĆENJE**

### **Član 15.**

#### **(Izveštaj o utrošku budžetskih sredstava)**

(1) Za odobrena sredstva iz članova 8. do 12. ovog Zakona jedinice lokalne samouprave su dužne podnijeti izvještaj sa kompletnom dokumentacijom o namjenskom utrošku dodjeljenih sredstava, u roku od 30 dana od dana završetka projekta, a najkasnije do 31.12. tekuće godine u kojoj su sredstva odobrena.

(2) Izvještaj se podnosi Ministarstvu privrede Tuzlanskog kantona, koje će putem Komisije iz člana 12. stav (3) ovog Zakona sačiniti zbirni izvještaj za sve jedinice lokalne samouprave kojima su sredstva odobrena i isti dostaviti Vladi Tuzlanskog kantona na razmatranje.

(3) Jedinice lokalne samouprave koje ne utroše sredstva u skladu sa odobrenom namjenom ili u ostavljenom roku ne podnesu izvještaj o namjenskom utrošku, dužne su izvršiti povrat doznačenih sredstava u Budžet Tuzlanskog kantona u roku od 30 dana od dana isteka roka iz stava (1) ovog člana.

### **Član 16.**

#### **(Izveštaj o utrošku namjenskih sredstava budžeta Tuzlanskog kantona i sredstava vanbudžetskih institucija Tuzlanskog kantona)**

Izveštaj o utrošku sredstava iz člana 13. ovog Zakona se vrši u skladu sa propisima koji regulišu raspodjelu i način korištenja tih sredstava.

### **Član 17.**

#### **(Praćenje provedbe Zakona)**

(1) Vlada Tuzlanskog kantona će pratiti provedbu programa i planova iz člana 12. ovog Zakona, kao i programe i planove iz člana 13. ovog Zakona u dijelu namjenskih sredstava Budžeta Tuzlanskog kantona u saradnji sa nadležnim ministarstvima, a resorna ministarstva su dužna da provode i prate provedbu programa i planova, te utvrđenih mjera i aktivnosti za upravna područja, odnosno područja djelatnosti iz svoje resorne nadležnosti i njihov učinak na razvoj nerazvijenih i izrazito nerazvijenih jedinica lokalne samouprave u Tuzlanskom kantonu.

## **VI PRIJELAZNE I ZAVRŠNE ODREDBE**

### **Član 18. (Rokovi za donošenje Programa)**

(1) Program o utrošku sredstava iz člana 12. stav (3) ovog Zakona Vlada Tuzlanskog kantona donijeti će najdalje do 30.06. tekuće godine.

(2) Programi o utrošku sredstva iz člana 13. ovog Zakona donose se u rokovima utvrđenim propisima koji regulišu raspodjelu korištenja tih sredstava.

### **Član 19. (Stupanje na snagu Zakona)**

Ovaj Zakon stupa na snagu narednog dana od dana objavljivanja u „Službenim novinama Tuzlanskog kantona“, a primjenjuje se od 01.01.2021. godine.

BOSNA I HERCEGOVINA  
Federacija Bosne i Hercegovine  
Tuzlanski kanton  
Skupština

Broj: \_\_\_\_\_/20  
Tuzla, \_\_\_\_\_.2020.godine

Predsjednik  
Skupštine Tuzlanskog kantona

Žarko Vujović, v.r.



# **OBRAZLOŽENJE ZAKONA O PODRŠCI NEDOVOLJNO RAZVIJENIM, NERAZVIJENIM I IZRAZITO NERAZVIJENIM JEDINICAMA LOKALNE SAMOUPRAVE U TUZLANSKOM KANTONU**

## **PRAVNI OSNOV**

Član 24. stav 1. tačka c) Ustava Tuzlanskog kantona ("Službene novine Tuzlansko-Podrinjskog kantona", br. 7/97 i 3/99 i "Službene novine Tuzlanskog kantona" br. 13/99, 10/00, 14/02, 6/04 i 10/04), kojim je propisano da Skupština donosi zakone neophodne za izvršavanje nadležnosti Kantona

## **II. RAZLOZI ZA DONOŠENJE ZAKONA**

Zakonom o podršci nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu kao dijelom opšte politike ravnomyernog razvoja Tuzlanskog kantona urediće se načini ostvarivanja podrške za jedinice lokalne samouprave u Tuzlanskom kantonu koje spadaju u red nerazvijenih, narazvijenih i izrazito nerazvijenih jedinica lokalne samouprave, prema socioekonomskim pokazateljima po općinama Federacije Bosne i Hercegovine, a koji su utvrđeni od strane Federalnog zavoda za programiranje razvoja.

Cilj pružanja podrške nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu je pridonijeti njihovom privrednom, infrastrukturnom i svekolikom razvoju u skladu s njihovim posebnostima i načelu ravnomyernog razvoja Tuzlanskog kantona.

Ovim zakonskim prijedlogom želi se ojačati razvojni potencijal nedovoljno razvijenih, nerazvijenih i izrazito nerazvijenih jedinica lokalne samouprave, koje su ujedno i demografski najugroženije jedinice lokalne samouprave u Tuzlanskom kantonu. Cilj je sistemsko djelovanje kroz mjere i politike koje bi omogućile privredni oporavak i razvoj nedovoljno razvijenih, nerazvijenih i izrazito nerazvijenih jedinica lokalne samouprave kroz rast i razvoj investicija, te zadržavanje i povratak raseljenog stanovništva na teritoriji tih jedinica lokalne samouprave.

## **III. OBRAZLOŽENJE POJEDINAČNIH RJEŠENJA**

**Član 1.-** Odredbama ovog člana definisano je šta se uređuje nacrtom Zakona, te je utvrđeno da se ovim Zakonom uređuju uslovi koje jedinice lokalne samouprave moraju ispunjavati da bi ostvarile podršku, utvrđuju se pokazatelji za mjerenje stepena njihove razvijenosti, te način ostvarivanja po podrške iz budžeta Tuzlanskog kantona i drugih podsticajnih mjera.

**Član 2.-** Odredbama ovog člana definisani su opći uslovi koje moraju ispunjavati jedinice lokalne samouprave Tuzlanskog kantona da bi ostvarile podršku u skladu sa ovim Zakonom.

**Član 3.-** Odredbama ovog člana definisani su posebni uslovi prema kategorizaciji i indeksu razvijenosti jedinica lokalne samouprave na nedovoljno razvijene, nerazvijene i izrazito nerazvijene jedinice lokalne samouprave primjenom indeksa razvijenosti.

**Član 4.-** Odredbom ovog člana definisano je da se za primjenu kriterija iz člana 2. i člana 3. Zakona koriste zadnji objavljeni socioekonomski pokazatelji po općinama Federacije Bosne i Hercegovine utvrđeni od strane Federalnog zavoda za programiranje razvoja.

**Član 5.-** Odredbom ovog člana definisan je obavezan pristup pri izradi programa i akata Vlade Tuzlanskog kantona i drugih institucija Tuzlanskog kantona, da ovisno o prirodi mjere i raspoloživim finansijskim sredstvima, posebno vode računa o učinku pojedine mjere na razvoj nedovoljno razvijenih, nerazvijenih i izrazito nerazvijenih jedinica lokalne samouprave Tuzlanskog kantona.

**Član 6.** - Odredbama ovog člana definisane su oblasti podrške za nedovoljno razvijene, nerazvijene i izrazito nerazvijene jedinice lokalne samouprave u Tuzlanskom kantonu.

**Član 7.** - Odredbama ovog člana definisane su vrste podrške za nedovoljno razvijene, nerazvijene i izrazito nerazvijene jedinice lokalne samouprave u Tuzlanskom kantonu.

**Članovi 8. do 10.** - Odredbama ovih članova definisani su uslovi i modeli za pojedinačnu raspodjelu budžetskih sredstava nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu.

**Član 11.**- Odredbom ovog člana definisano je kumulativno uvećanje pojedinačnih iznosa u raspodjeli sredstava.

**Član 12.** - Odredbama ovog člana definisana je procedura kandidovanja projekata od strane nedovoljno razvijenih, nerazvijenih i izrazito nerazvijenih jedinica lokalne samouprave u Tuzlanskom kantonu.

**Član 13.** - Ovim članom je utvrđena obaveza nadležnih institucija da, u raspodjeli namjenskih sredstava budžeta Tuzlanskog kantona i izvanbudžetskih sredstava institucija Tuzlanskog kantona, u svojim svojim planovima i programima raspodjele sredstava, ugrade mjere i projekte za razvoj jedinica lokalne samouprave iz člana 3.ovog Zakona, na način da osiguraju odgovarajuću zastupljenost razvojnih projekata za navedene jedinice lokalne samouprave Tuzlanskog kantona.

**Član 14.**- Definisana je obaveza Vlade Tuzlanskog kantona da u postupku izrade ili davanja saglasnosti na programe i planove utroška sredstava, osigura učinkovitu primjenu odredbi članova od 8.do 13. ovog Zakona.

**Članovi 15. i 16.**- Odredbama ovih članova definisane su obaveze jedinica lokalne samouprave da podnesu izvještaje o utrošku odobrenih sredstava, rokovi za podnošenje izvještaja, te postupanje u slučaju kada jedinice lokalne samouprave ne utroše sredstva u skladu sa odobrenom namjenom ili u ostavljenom roku ne podnesu izvještaj o namjenskom utrošku, kao i način podnošenja Izvještaja.

**Član 17.**- Odredbom stava 1. ovog člana definisana je obaveza Vlade Tuzlanskog kantona da prati provedbu programa iz člana 11. Zakona, te obaveza za resorna ministarstva da provode i prate provedbu aktivnosti i mjera za upravna područja iz svoje nadležnosti i njihov učinak na razvoj nedovoljno razvijenih, nerazvijenih i izrazito nerazvijenih jedinica lokalne samouprave u Tuzlanskom kantonu. Odredbom stava 2. ovog člana definisana je obaveza Vlade Tuzlanskog kantona da razmatra informaciju o učincima provedbe ovog Zakona, jednom godišnje, najkasnije do 30.04. tekuće godine za prethodnu godinu

**Član 17.**- Odredbama ovog člana definisani su rokovi za donošenje programa

**Član 18.**- Odredbom ovog člana definisan je početak primjene Zakona.

#### **IV. FINACIJSKA SREDSTVA**

Za provođenje odredbi ovog Zakona, u okviru razdjela 11 potrebno je utvrditi novo potrošačko mjesto „Podrška nedovoljno razvijenim, nerazvijenim i izrazito nerazvijenim općinama“, a brisati potrošačko mjesto „Podrška nižim nivoima vlasti - gradovi i općine“, tako da nisu potrebna dodatna sredstva u Budžetu Tuzlanskog kantona.

**PREDLAGAČ  
VLADA TUZLANSKOG KANTONA**

**PROGRAM JAVNE RASPRAVE  
O NACRTU ZAKONA O PODRŠCI NEDOVOLJNO RAZVIJENIM, NERAZVIJENIM I  
IZRAZITO NERAZVIJENIM JEDINICAMA LOKALNE SAMOUPRAVE U  
TUZLANSKOM KANTONU**

**I**

Javnu raspravu o Nacrtu Zakona o podršci nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu (u daljem tekstu: Nacrt zakona) provest će Ministarstvo privrede Tuzlanskog kantona (u daljem tekstu: Ministarstvo) u trajanju od 60 dana.

**II**

Ministarstvo će u roku od 3 dana od prijema zaključka Skupštine Tuzlanskog kantona o utvrđivanju Nacrta zakona, uputiti tekst Nacrta zakona slijedećim subjektima:

- Ministarstva Tuzlanskog kantona
- Općine i gradovi Tuzlanskog kantona
- Savez općina i gradova Federacije Bosne i Hercegovine

**III**

Subjekti iz tačke II ovog Programa mogu svoje prijedloge, primjedbe i sugestije dostaviti Ministarstvu, najkasnije 60 dana od dana utvrđivanja Nacrta zakona.

**IV**

Nakon objedinjavanja rezultata javne rasprave, Ministarstvo će sačiniti izvještaj o provedenoj Javnoj raspravi, pripremiti prijedlog Zakona o nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu i uputiti ga Vladi Tuzlanskog kantona na daljnje postupanje.

**OBRAĐIVAČ  
MINISTARSTVO PRIVREDE**

## OBRAZAC IZJAVA O FISKALNOJ PROCJENI

Obrazac IFP NE

### A 1. Obradivač propisa

	KOD	NAZIV
Razdjel	31010001	Ministarstvo privrede

### B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Nacrt Zakona o podršci nedovoljno razvijenim, nerazvijenim i izrazito nerazvijenim općinama u Tuzlanskom kantonu					

### C 3. Izjava o nepostojanju dodatnih fiskalnih efekata predloženog propisa

Provođenje odredbi Nacrta Zakona o podršci nedovoljno razvijenim, nerazvijenim i izrazito nerazvijenim općinama u Tuzlanskom kantonu nemaju fiskalne posljedice na Budžet Tuzlanskog katona.

### D 4. Pečat i potpis odgovornog lica obrađivača, odnosno predlagača propisa

Asmir Hasić, dipl.ing.maš.

Mjesto i datum

Tuzla, 04.03.2020. godine



*Asmir Hasić*